



UNIVERSITÄTS-
BIBLIOTHEK
PADERBORN

Quæstiones Canonicæ De Decimis

Friderich, Melchior

Ingolstadii, 17010 [i.e. 1710]

Quæstio IV. An Religiosis & Clericis non Beneficiatis debeantur decimæ.

[urn:nbn:de:hbz:466:1-61677](#)

de jure communi habeat contra quemlibet possessorem juris decimandi, etiam Episcopum, ita ut non teneatur probare, illud ad se pertinere, sed contrarium asserenti incumbat probatio, cum jus commune assistat Parocho, & resistat alijs arg. c. 56. 16. q. 1. c. 24. b. t. & c. ult. de Paroch.

¹⁴⁷ Ex ijs, quæ universim modò disputavi de Clericis Beneficiatis, consequens est, quod applicatio decimarum per modum pensionis vel quomodounque facta alicui etiam pio loco & religioso, invalida sit, si Beneficiatus privetur debita sustentatione, ut bene notant Suar. c. 15. n. 7. & Pal. tr. 10. diff. un. pun. 10. n. 4. Ratio patet: quia Parochis, aliquique curatis debetur honesta sustentatio jure etiam naturali & divino, reliquis Beneficiatis saltem Ecclesiastico. Neque SS. Pontifex, multò minus Episcopus, est omnium decimarum dominus, sed dispensator. Unde rursus sequitur I. quod non obstante tali applicatione, teneatur is, cui applicati sunt fructus, congruenter alere Beneficiatum: nisi ipse Pontifex aliter illi provideat. II. Sequitur, quod Beneficiati, v.g. Canonici Ecclesiarum Cathe-

dralium, quorum præbendis annexi sunt Pastoratus, quos per Vicarios administrant, teneantur ex Justitia ejusmodi Vicarijs debitam sustentationem tribuere: alioquin, ut observant Lessius l. 2. c. 39. n. 17. & Palao l. c. n. 3. injuriam faciunt, tum suis Vicarijs, qui totum laborem subeunt: tum populo, qui cum largas det decimas, quibus aptissimum ministerium habere posset, acceptare cogitur parum idoneum, cum sape non querantur, qui munus videantur optimè administratur, sed qui minimo stipendio servire velint. Ex quo, ut ait Lessius l. c. multis in locis magna animarum strages. Cæterum si hujusmodi substitutis & Vicarijs, vel Beneficiatis, quibus decimæ ademptæ & alijs applicatae sunt, non suppetat congrua sustentatio, non propterea tenetur populus contribuere, alias vel decimas vel pensiones dando, ut contra nonnullos benè tradunt ac demonstrant Covarr. l. c. n. 3. Suar. cit. c. 15. à n. 3. Less. & Palao ll. cc. Addit iste n. 5. posse in tali casu Parochianos denegare decimas, donec suo Pastori vel inde vel ex alijs redditibus debita portio pro honesta sustentatione assignetur.

QUÆSTIO IV.

An Religiosis & Clericis non Beneficiatis debeantur Decimæ?

U 2

S U M-

SUMMARIUM.

348. Deberi decima Regularibus possunt vel ratione sui Status, vel ratione Beneficij, vel ut eleemosyne.

349. Non debentur Jure communis ratione Status.

350. Nec Clericis secularibus Be-

neficium non habentibus.

351. Tametsi nomine Ecclesia Horas Canonicas recitent, & Sacrificia faciant.

352. Et licet Jura sacra absolute dicant, Clericis deberi decimas,

348 **Q**uestio hic est, an Jure communis decimæ Religiosis debentur: multis enim eorum competere jus decimandi ex privilegio, notum est, & infra fusiùs explicabitur. Pariter possunt ipsis deberi decimæ tanquam pauperibus, uti notant S. Thomas & Alensis. Verum tunc non competit ipsis jus decimarum, sed fructus tantum debentur, & quidem non ex Justitia, sed ex charitate. Certum quoque est, jus decimandi competere Religiosis, si aliquod ipsis Beneficium conferatur vel curatum, vel simplex: quod fit, dum Beneficium vel unitur Monasterio vel particulari Religioso confertur. Sic enim Religio vel Religiosus suscepit in se officium spirituale; huic vero annexum est jus decimandi.

349 **A**ffert. I. Religiosis de Jure communis & vi sui Status non debentur decimæ. Ita S. Thom. 2.2. q. 87. a. 3. ad 3. & ibi omnes Th. Th. Patet ex c. 6. 8. q. 21. & 22. 16. q. 1. quibus Juribus dicitur, ad Clericos pertinere ex altari vivere, non vero ad Monachos, nisi ad Clerico-

rum statum & munus assumantur. Ratio est: quia nec ratione ministerij sacri, quod populo impendunt dispensando divina Mysteria & verbum Dei prædicando, nec ratione ipsius Status Religiosi jus decimandi ipsis competit. Non quidem ex priore ratione: quia obsequia spiritualia in convertendis Infidelibus, & promovendis in virtute Fidelibus voluntariè suscipiunt, ac idcirco ex Justitia ad id non obligantur. Neque obstat, quod vi sui Instituti ac Regulae Se-de Apost. approbatæ, quidam eorum, uti v. g. PP. Prædicatores & Societatis Jesu, ad id obligantur: nam solum ex charitate & zelo divinæ gloriae, salutisque animarum sacrum hoc munus suscep- runt, & nec postularunt ipsis ab Ecclesia stipendum sui laboris, nec illa ad hoc se obligavit. Sed neque vi sui Status Religiosi debentur decimæ: ille enim per se non constituit Ministros Ecclesiarum, nec inducit obligationem ex Justitia serviendi populo in spiritualibus, sed ad summum ex charitate & vi re-

regulæ. Hinc vicissim neque populus ex Justitia ad eos alendos obligatur, si que alit ex gratitudine, misericordia, charitate, ac religione, id ita præstare debet, ut Ecclesia suis decimis non privetur, cum jus decimandi penes eandem ejusque ministros ex officio ad id obligatos semper maeat integrum. Quæ in contrarium adduci possunt, retuli n. 103. & solvi n. 106.

³⁵⁰ Assert. II. Clericis non habentibus Beneficium Ecclesiasticum non habentur decimæ. Ita communis & certa DD. Ratio patet, quia jus spirituale ad decimas aliisque redditus Ecclesiasticos percipiendos est solum Beneficium ratione officij spiritualis: neque enim illud jus sequitur ipso facto ex Ordine & Clericatu, sed hic dat solum capaciter ad titulum & jus illud spirituale; non verò ipsum jus, utpote quod nulla lege vel Divinâ vel Ecclesiasticâ Ordinibus annexum est. Hinc sicut vi solius Clericatus nemo obligatus est ad ministrandum populo: ita nec iste tenetur ad hujusmodi Clericum alendum.

³⁵¹ Neque valet, si quis dicat, Clericos in sacris obligari ad dicendas preces, quas Horas Canonicas dicimus: in hoc autem eos inservire populo Christiano, cum nomine ipsius orient, & bona temporalia ac spiritualia à Deo eidem impetrant. Respondet enim, ipsos ad Divinum Officium obligari non

debito Justitiae, sed solum Religionis ex præcepto Ecclesiæ, quod præceptum non imponitur in viam pati incidentis obligationem Justitiae, sed solum ratione Statûs ad Religionem pertinet, ut fusiū expli- cant Th. Th. quando agunt de Horis Canoniciis. Eadem responso valet adid, quod opponi ulterius posset. Clericos teneri in Ordinibus inferioribus ministrare usque dum ascendant ad Presbyteratum, & à Presbyteris offerri Sacrificia nomine totius populi: neutrum enim præstant ex debito Justitiae, sed solum vi præcepti Ecclesiæ, ex Religione ad sacra hæc ministeria eos obligantis. Nec propter ista aliquod jus ipsis Ecclesia tribuit, præterquam quod gaudeant privilegio Fori & Canonis, & Beneficium ipsis debeatur, & hoc demum habito congrua ex redditibus Ecclesiasticis sustentatio.

Pariter non obstant Can. Deci- ³⁵²
mas 1.16. q.7.c. ad hac b3.q.1.c.26.
h.t. ubi absolute asseritur, Clericis decimas deberi: est enim ibi sermo de Clericis Beneficiatis, cum antiquitus nemo nisi ad titulum Beneficij ordinatus fuerit, nec modò sine illo ordinari debeat, juxta c. 3. 4. &
15. de Prabend. c. 13. de at. & qual.
præficien. c. 1. & 2. dist. 79. Si quis
verò juxta Trident. sess. 21. c. 2. de
Reform. ob necessitatem vel com-
moditatem Ecclesiæ ordinatur ad
patrimonium vel pensionem, ex
his vivere debet, ut patet ex Tri-

U 3 dent.

dent. *I. c.* Si denique ex pacto alicui Episcopo, vel Canonico, vel laico, in spiritualibus ministret, susten-

tari ab illo debet, cum quo pacum inijt.

QUÆSTIO V.

An Decimæ debeantur Clericis divitibus aut malis?

SUMMARIUM.

- 353. *Varia circa hoc opiniones.*
- 354. *Ministris Ecclesiae etiam opulentis debentur decima.*
- 355. *Jure etiam Divino & Naturali.*
- 356. *Possunt vivere de proventibus Ecclesiae, & bona patrimoni-*
- rialia in profanos usus expendere.
- 357. *Etiam mala vita Clericis debentur decima.*
- 358. *Possunt illis negari, qui Divina populo non ministrant.*

353 **P**seudoapostoli Hæretici, uti retuli *n. 44.* negabant, dandas esse decimas Clericis, qui non profitentur Evangelicam paupertatem. Verum hic error damnatus est ab Ecclesia Juxta Alexand. Summam Angel. & Rosella, teste Sylvestro *V. Decimæ n. 14. f. octauum.* Clericus habens patrimonium secundum statum suæ personæ recipere potest decimas ut Procurator, in necessitates pauperum vel utilitatem Ecclesiae expendendas: sed si in proprios usus expendit, Sacilegium commitit: si in malos, incurrit judicium. Pro qua opinione allegatur *can. ult. 16. q. 1. & can. 7. 1. q. 2.* Verum primus nihil habet, quod ad propositum faciat, ut legenti patebit. Alter intelligi potest ac debet de bonis Ecclesiasticis in

pauperes erogari solitis: ex his enim utique nihil debetur Clericis non egentibus. Ita quoque intelligendus est *can. 1. 1. q. 2.*

Assert. I. Ministris Ecclesiae, eti 354 divitibus, & ex patrimonio viventibus, decimæ debentur. Ita cum S. Thoma quodl. 6. art. 10. & 2. 2. q. 87. a. 3. ad 1. communis ac certa Theol. & Canon. quam manifestam reddunt illa, quæ *n. 30. & 31.* produxi: quod enim non est alligandum *os bovi trituranti;* quod Dominus ordinavit ijs, qui Evangelium annuntiant, de Evangelio vivere; quod ij, qui in Sacrario operantur, quæ de Sacrario sunt, edunt, & qui altari deserviant, cum altari participant; quod dignus est operarius mercede suâ; quod nemo militat suis stipendijs un-